



Comunicado di prensa no. 2024-021

Opcionnan strategico pa Ennia Aruba

ORANJESTAD/WILLEMSTAD/PHILIPSBURG – Banco Central di Corsow y Sint Maarten (CBCS) ta investigando e opcionnan strategico pa Ennia Caribe Holding (Aruba) N.V. (ECHA) y su companianan subsidiario (Ennia Aruba). E companianan subsidiario ta financieramente solido y ta cay bao di supervision di Banco Central di Aruba (BCA). Den e context aki, a tuma lugar conversacionnan constructivo entre CBCS y BCA tocante un posibel transaccion involviendo Ennia Aruba y e comparticion di informacion durante e proceso di transaccion. E conversacionnan aki a resulta den firmamento di un Protocol di Proceso riba dia 24 di Mei 2024 entre CBCS, BCA y Ennia Caribe Holding N.V. (ECH) (e compania maternal di ECHA).

Den e proximo lunanan CBCS lo indentifica e opcionnan strategico pa e operacionnan na Aruba di e companianan di seguro di Ennia, teniendo na cuenta e interes di tanto Ennia Aruba y su aseguradonan, como tambe di Ennia Group y su aseguradonan. Si como resultado di e proceso menciona, un cambio di control di e companianan di Ennia Aruba lo surgi, un aprobacion previo di BCA ta necesario. Pa e rason aki, CBCS y BCA lo coopera den un forma estrecho den e proximo lunanan pa sigura cu e proceso ta desaroya di un manera eficiente y efectivo.

Oranjestad, 17 di Juni 2024
CENTRALE BANK VAN ARUBA

Willemstad, 17 di Juni 2024
CENTRALE BANK VAN CURAÇAO EN
SINT MAARTEN